



Inatsisartunut ilaasortaq
Per Berthelsen
Siumut

§ 37, imm.1 tunngavigalugu, Tûgdlik pillugu apeqqut

Asasara Per Berthelsen,

19. april 2011-imi apeqqummik matuminnga, ulloq unnuarlu paaqqinnittarfik Tûgdlik pillugu, nassiussaqsarimavutit.

1. Meeqqat Inuusuttuaqqallu ulloq unnuarlu angerlarsimaffiat Tuullik, immikko-
or-tortaqqarfeqartorlu Qooqquni tassanngaannartumik matuneqarsimanersoruna?

Apeqqummut akissut:

Matumuuna Naalakkersuisut ilisimatitsissutigisinnaavaat, Naalakkersuisut apriliip 20-
ianni 2011 aalajangersimammata, 1. maj 2011 atuutilersumik, ulloq unnuarlu paaqqinnit-
tarfiusumut, imminut pigaluni umiarsuarmut sungiusarfiusumut, Tûgdlimmut, akuersissut
atorunnaarsinneqassasoq.

Aalajangernermit tunngavilersuutit makkuupput:

Angajoqqaaniit inissinneqarsimasunik meeralinnit aaamma kommuninit saaffigineqartar-
simaneq tunngavigalugu Ilaqutariinnermut, Kultureqarnermut, Ilageeqarnermut Naligiissi-
taanermullu Naalakkersuisoqarfimmiit kalerreeqqaarnani umiarsuarmut sungiusarfi-
usumut Tûgdlimmut 1. februar 2011 aamma 3. februar 2011 misissuiartortoqsarimavoq.

Misissuinermit paasineqarpoq Tûgdlimmik akuersinermi eqqortinneqartussatut piima-
saqaataasut naammassineqarsimanngitsut. Immikkut taaneqassapput 2011-mi arlaleri-
arluni uparuaneqarsimammata siusinnerusukku 2009-mi Tûgdlimmut iluarseqqullugit
piumasaqaataasimasut suli iluarsineqarsimannginnerat.

Ilanngullugu taaneqassaaq februarimi 2011-mi misissuinermit atatillugu Tûgdlimmi
sulisut pillugit marlunnik politiinut suliassiisoqarsimammata, suliassiissutillu aappaa naku-
usernermik unnerluussisummik pisortatigullu aalajangikkamik tigummigallarneqarner-
mik kinguneqarsimammata.

2004-mi Tûgdlik ulloq unnuarlu meeqqanut aamma inuusuttunut 14-imi 18-inut ukiulin-
nut paaqqinnittarfittut, imminut pigisutut akuerineqarpoq.

4. maj 2011
Sagsnr. 2011-044582
Dok. Nr. 621910

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: in@nаноq.gl
www.nanoq.gl

Tûgdlimmik akuersissuteqarneq pivoq makkuninnga piunasaqaatitalerlugu,

- Qinnuteqaammi allaatigineqartut eqqartorneqartut ilanngussallu, tamatumunnga ilanngullugit suliffeqarfimmut maleruagassiat 27. februar 2004-meersut, tunngavigalugit suliffeqarfik ingerlanneqassasoq.
- Suliffeqarfiup avatangiisai illuutaalu suliffeqarfiup anguniagaanut naapertuullutilu akuersisartunit tamatigut akuersissutigineqarsimassasut (Søfartsstyrelsen, suliffeqarfinnik nakkutilliivik il.il.)
- Avatangiisit illuutillu, anguniakkat, perorsaannermut tunngasuteqartut allallu allanngortinneqarnerini akuersissut nutarterneqartuassasoq.
- Ilaqutariinnermut pisortaqarfimmit nakkutiginnittunit (maannakkut: Naalakkersuisoqarfimmit nakkutiginnittunit) uparuarneqartut tamarmik ingerlaannartumik iluarsineqartassasut.
- Arlaleriarluni uparuaanerit, illuutit avatangiisillu amigaateqarnerat imaluunniit akuerisaannginnerat aamma allannguinerit annertuut akuersissutigineqarsimanngitsut, akuersissutip utertinneqarneranik kinguneqassasut.

Tûgdlimmik akuersineq piunasaqaataasut siuliani eqqartorneqartut ilanngullugit allakka-tigut 2. juli 2004-meersutigut nalunaarutigineqarput.

Taamaattumik Naalakkersuisut, siuliani eqqartorneqartunik piunasaqaatinik naammassinnissimanginnermik patsiseqartumik, suliffeqarfiup nammineq pigisuusup Tûgdliup akersissutaanik atorunnaarsitsiniarlutik aalajangersimapput.

Tûgdlimmi meeqqat inuusuttullu inissinneqarsimasut pillugit makkua nalunaarutigineqarsinnaapput:

Kommunit meeqqanik inuusuttunillu Tûgdlimmut inissiisimanertik tunngavigalugu kommunit aalajangertussaavaat meeqqanik ataasiakkaanik angerlarsimaffiup avataanut Tûgdlimmut inissiisimanertik ingerlatiinnassanerlugu imaluunniit meeqqanik angerlartissanerlutik.

Meeqqat Tûgdlimmut inissinneqarsimasut ilaat, kommunit aalajangernerannik aallaaveqartumik, angerlartinneqarsimapput. Meeqqat allat pillugit pisortaqarfik kommuninut ataasiakkaanut, allamut inissiisinnaaneq pillugu, oqaloqatiginnissimavoq.

Tûgdlimmi meeqqat inissinneqarsimasut, inissiisinnaanermut akuersissummi pineqartunit, 14-iniit 18 tikillugit ukioqartunit inuusunnerusut utoqqaanerusulluunniit eqqaassa-gaanni, inuusunnerusut Røde Kors Børnehjemmet inissinneqarsimapput, 18-illu sinn-erlugit ukiullit angerlarsimaffittut kommuniminnit inersimasut ikiorneqartarnerat pillugu maleruagassat malillugit ikiorserneqarsimapput.

14-iniit 17-inut ukiullit Qasapermiunit, Sisimiuniittummit akuersinikkut inissinneqarsimapput, taamaallaat nukappiaaraq ataaseq, ulorianartorsioirtitsisinnaanera pissutigalugu Danmarkimi immikkut suliffeqarfimmut inissinneqarallarsimavoq.

Inussiarnersumik inuulluaqqusillunga